

“Евроосиё Банки” Акциядорлик жамиятининг  
ягона таъсисчиси (акциядори) “Евразийский  
Банк” Акциядорлик жамиятини томонидан  
2023 йил «14» сентябрда (\_\_\_\_ - сонли  
баённома билан)  
«ТАСДИҚЛАНГАН»

Ўзбекистон Республикаси  
Марказий банки томонидан  
«РЎЙХАТГА ОЛИНГАН» 94 -сонли  
2024 йил “ 9 ” сентябр

“Евроосиё Банки” Акциядорлик жамияти  
Кузатув Кенгаши Раиси

Л.А. Сатиева

Ўзбекистон Республикаси  
Марказий банки  
Раисининг биринчи ўринбосари



Н.Н. Сайдуллаев

# «ЕВРООСИЁ БАНКИ» АКЦИЯДОРЛИК ЖАМИЯТИ УСТАВИ

Тошкент – 2023

## I. УМУМИЙ ҚОИДАЛАР

1. «Евроосиё Банки» акциядорлик жамияти (кейинчалик «Банк» деб юритилади) акциядорлик жамияти шаклида фаолият кўрсатувчи кредит ташкилоти ҳисобланади.

2. Банк ягона таъсисчи (акциядори) қарори бўйича (2022 йил “26” октябр) қарорига биноан акциядорлик жамият шаклида ташкил қилинган.

3. Банк ўз фаолиятида Ўзбекистон Республикаси Конституцияси, Ўзбекистон Республикаси Фуқаролик кодекси ва Ўзбекистон Республикасининг «Банклар ва банк фаолияти тўғрисида», «Ўзбекистон Республикасининг Марказий банки тўғрисида», «Қимматли қоғозлар бозори тўғрисида», «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунлари (янги таҳрирда) ва бошқа қонунлар, Ўзбекистон Республикаси Олий Мажлиси палаталари қарорлари, Ўзбекистон Республикаси Президентининг фармон, қарор, фармойишлари, Ўзбекистон Республикаси Вазирлар Маҳкамаси қарорлари, Ўзбекистон Республикаси Марказий банкнинг норматив-ҳуқуқий ҳужжатлари ва фармойишлари, Ўзбекистон Республикасининг бошқа қонунчилик ҳужжатларига, шунингдек мазкур Устав ва банкнинг бошқа ички ҳужжатларига амал қилади.

4. Банк Ўзбекистон Республикасининг банк тизими таркибига киради.

5. Банкни ташкил қилиш ва фаолиятдан мақсад - Ўзбекистон Республикаси ҳудуди ва ундан ташқарида амалдаги қонунчилик ҳужжатларида тақиқланмаган банк ва молиявий фаолиятни амалга ошириш, шунингдек фойда олиш мақсадида юқорида кўрсатилган фаолият билан боғлиқ бўлган хизматларни кўрсатиш ҳисобланади.

6. Банкнинг тўлик номи:

Ўзбек тилида:

кирилл ёзувида: «Евроосиё Банки» акциядорлик жамияти;

лотин ёзувида: «Yevroosiyo Banki» aksiyadorlik jamiyati;

Рус тилида: Акционерное общество «Евразийский Банк»;

Инглиз тилида: Eurasian Bank Joint-Stock Company.

Банкнинг қисқартирилган номи:

Ўзбек тилида:

кирилл ёзувида: «Евроосиё Банки» АЖ;

лотин ёзувида: «Yevroosiyo Banki» AJ;

рус тилида: АО «Евразийский Банк»;

инглиз тилида: Eurasian Bank JSC.

7. Банк юридик шахс бўлиб, банк ҳисобварақларини очиш ва юритиш, тўловларни амалга ошириш, омонатларга (депозитларга) пул маблағларини жалб этиш, ўз номидан кредитлар бериш, бўйича банк фаолияти сифатида аниқланган операциялар мажмуини амалга оширувчи тижорат ташкилоти ҳисобланади.

Банк ўз мустақил балансида ҳисобга олинган алоҳида ўз мол-мулкига, шу жумладан ўзининг устав капиталига берилган мол-мулкка эга бўлади, ўз номидан мулкӣ ва шахсий номулкӣ ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

8. Банк белгиланган тартибда Ўзбекистон Республикаси ҳудудида юридик шахс бўлмаган ўз филиалларини ва банк хизматлари офиси («минибанк», «чакана хизматлар маркази», «банк хизматлари маркази» ва х.к.) ва бошқа алоҳида бўлинмаларини ташкил қилишга ҳақли, банк томонидан уларга тақдим қилинган ваколатлар доирасида уларга ҳуқуқлар бериши мумкин. Банк ўз филиали ёки банк хизматлари офисини очганлик ёки тугатганлик тўғрисида Марказий банкка белгиланган тартибда хабарнома юбориши шарт.

Банкнинг филиаллари ва бошқа алоҳида бўлинмалари Кузатув кенгаши қарори

асосида ташкил қилинади ва ўз фаолиятларини Кузатув кенгаши тасдиқлаган Низом асосида амалга оширадilar.

Банк хизматлари офиси («минибанк», «чакана хизматлар маркази», «банк хизматлари маркази» ва х.к.) Бошқарув қарори асосида ташкил қилинади. Банк хизматлари офиси тўғрисидаги низом Бошқарув қарори билан тасдиқланади.

Банкнинг филиаллари, банк хизматлари офиси ва бошқа алоҳида бўлинмалари давлат тилидаги ўз номи ёзилган думалоқ муҳрга, штампга ва ўз номидаги бланкаларга эга.

Банкнинг филиаллари, банк хизматлари офиси ва бошқа алоҳида бўлинмалари банк номидан фаолият юритадилар. Банк ўз филиаллари, банк хизматлари офиси ва бошқа алоҳида бўлинмалари фаолияти учун жавобгар бўлади. Филиаллар, банк хизматлари офиси ва бошқа алоҳида бўлинмалар бошқарувчилари банк томонидан берилган ишончнома асосида фаолият юритадилар. Банк номидан ишончнома Банк бошқаруви раиси ёки унинг вазифасини бажарувчи шахс томонидан берилади.

Банк Ўзбекистон Республикаси Марказий банкнинг рuxсати билан Ўзбекистон Республикасининг амалдаги қонунчилик ҳужжатлари (кейинги матнларда – «қонунчилик ҳужжатлари»)да белгиланган тартибда мамлакат ташқарисида шўъба банклар ва ваколатхоналар очиши, филиаллар ташкил этиши, банкларнинг капиталида иштирок этиши, шу жумладан чет эл банкларини ташкил этиши мумкин.

Шўъба банклар ҳамда ваколатхоналар улар очиладиган ва (ёки) ташкил этиладиган мамлакат қонунчилик ҳужжатларига мувофиқ очилади ва (ёки) филиаллар ташкил этилади.

9. Банк маблағларининг сақланиши ҳамда омонатчилар олдидаги мажбуриятларининг бажарилиши учун ўз миқдорлари ва омонатчилари олдида ўзининг барча мол-мулки билан жавобгардир.

Акциядорлар банкнинг мажбуриятлари юзасидан жавобгар бўлмайди ва унинг фаолияти билан боғлиқ зарарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

Акциялар ҳақининг тўлиқ тўламаган акциядорлар банк мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўладилар.

Банк ўз акциядорларининг мажбуриятлари юзасидан жавобгар бўлмайди

Банклар давлатнинг мажбуриятлари бўйича, давлат эса банкларнинг мажбуриятлари бўйича жавоб бермайди, бундан банкларнинг ёки давлатнинг ўзи бундай мажбуриятларни зиммасига олиш ҳоллари мустасно.

10. Банк чекланмаган муддатга таъсис этилган.

11. Банк ўз тимсолига, Ўзбекистон Республикасининг давлат тилидаги тўлиқ фирма номи ва тимсоли тасвири туширилган думалоқ муҳрига эга.

Банкнинг юридик ва почта манзиллари: 100084, Ўзбекистон Республикаси, Тошкент шаҳри, Юнусобод тумани, Минор тор кўчаси, 77.

E-mail: info@eubank.uz.

Веб сайт: www.eubank.uz.

## **II. БАНКНИНГ МОЛИЯВИЙ ОПЕРАЦИЯЛАРИ**

12. Банк ўз фаолиятида қуйидаги молиявий операцияларини амалга оширади:

- пул маблағларини омонатларга (депозитларга) жалб этиш;
- тўловларни амалга ошириш, шу жумладан банк ҳисобварақларини очмасдан;
- жисмоний ва юридик шахсларнинг банк ҳисобварақларини, шу жумладан банкларнинг вакиллик ҳисобварақларини очиш ҳамда юритиш;

- кредитларни уларнинг қайтарилиши, фоизлилиги ва муддатлилиги шарти билан ўз номидан ўзининг маблағлари ҳамда жалб этилган маблағлар ҳисобидан бериш;

- чет эл валютаси билан нақд ва нақдсиз шакллардаги операциялар;

- жисмоний ёки юридик шахс билан тузилган шартнома бўйича мол-мулкни ишончли бошқариш;

- инкассация ва касса хизматларини кўрсатиш;

- учинчи шахслар номидан уларнинг мажбуриятлари бажарилишини назарда тутувчи кафолатлар бериш ва бошқа мажбуриятларни қабул қилиш;

- учинчи шахслардан пул шаклидаги мажбуриятларнинг бажарилишини талаб қилиш ҳуқуқини олиш (факторинг);

- қимматли қоғозларни чиқариш, харид қилиш, сотиш, уларнинг ҳисобини юритиш ва уларни сақлаш, миждоз билан тузилган шартномага биноан қимматли қоғозларни бошқариш, улар билан бошқа операцияларни бажариш;

- аффинланган қимматбаҳо металллар сотиб олиш ва сотиш, шу жумладан металлларни масъул сақлаш ҳисобварақларини ҳамда металлларнинг эгасизлантирилган (жисмоний бўлмаган) ҳисобварақларини юритиш;

- қимматбаҳо металллардан ясалган тангаларни сотиб олиш ва сотиш;

- ҳосилавий молия воситалари (деривативлар) билан операцияларни амалга ошириш;

- ҳужжатларни ёки қимматликларни сақлаш учун махсус биноларни ёки уларнинг ичидаги сейфларни ижарага бериш;

- лизинг бериш;

- қонунчилик ҳужжатларида назарда тутилган шаклларда қарзлар бериш;

- молиявий операциялар билан боғлиқ маслаҳат хизматлари кўрсатиш;

- активлар портфелини бошқариш;

- электрон пулларни чиқариш, улардан фойдаланиш ва тўлаш;

- банк карталарини бериш ва тўловларга ишлов бериш, банк карталарига бошқа ташкилотлар, жумладан бошқа молия институтлари билан биргаликда хизмат кўрсатиш.

Банк банклар ва банк фаолияти тўғрисидаги қонунчилик ҳужжатларига мувофиқ бошқа молиявий операцияларни ҳам амалга оширади. Банк банк фаолиятини амалга ошириш ҳуқуқини берувчи лицензияда кўрсатилмаган молиявий операцияларни амалга оширишга ҳақли эмас.

Банк Ўзбекистон Республикаси Марказий банкнинг (кейинчалик «Марказий банк» деб юритилади) рухсатномаси олинганидан кейин хизматлар ва операцияларнинг айрим турларини Марказий банк томонидан белгиланган талабларга мувофиқ аутсорсингга топшириш ҳуқуқига эга.

13. Банк молия фаолияти билан боғлиқ бўлмаган бевосита ишлаб чиқариш, савдо ва суғурта фаолияти билан шуғулланишга ҳақли эмас, Банклар ва банк фаолияти тўғрисидаги қонуни ҳужжатларида назарда тутилган ҳоллар бундан мустасно.

Ушбу чеклов қуйидаги ҳолларга нисбатан татбиқ этилмайди:

- банк карталари асосида нақд пулсиз ҳисоб-китоблар тизимларида фойдаланиладиган ихтисослаштирилган ускунани ва унга доир дастурий таъминотни сотиш ёки ижарага беришга;

- ўз активларини сотишга;

- чек дафтарчаларини чиқариш, реализация қилиш ва тарқатишга;

- суғурта ташкилотлари бўлган Ўзбекистон Республикаси резидентлари номидан суғурта шартномаси тузилишини ташкил этиш бўйича фаолиятни амалга оширишга;

- банк ўзи муассис бўлган юридик шахсларга ўз мол-мулкни мулкий ижара (аренда) шартномасига мувофиқ ижарага беришга.

Банкка юридик шахсларни ташкил этиш ва (ёки) юридик шахсларнинг устав фондидаги (устав капиталларидаги) улушларни ёки акцияларни олиш тақиқланади, бундан куйидагилар мустасно:

- кредит, суғурта ва лизинг операцияларини профессионал асосда амалга оширувчи юридик шахслар;
- молия бозори инфратузилмасининг бир қисми бўлган ёки банкларга ахборот ва маслаҳат хизматларини кўрсатувчи юридик шахслар;
- қимматли қоғозлар бозорида профессионал фаолиятни амалга оширувчи юридик шахслар;
- банкнинг кафолати остида қимматли қоғозларни чиқариш ва жойлаштириш мақсадида мазкур банкнинг хорижда ташкил этиладиган шўба ташкилотлари;
- фақат инкассация фаолияти билан шуғулланувчи юридик шахслар;
- банк операциялари бўйича ҳисоб-китоблар, шу жумладан банк карталари билан операцияларга доир ҳисоб-китоблар иштирокчилари ўртасида ўзаро боғлиқлигини таъминлаш бўйича хизматлар кўрсатувчи юридик шахслар;
- фонд ва валюта биржалари;
- кредит бюрolari;
- қимматли қоғозларнинг иккиламчи бозорига жойлаштирилган акцияларнинг йигирма фоизидан ортиқ бўлмаган миқдорда фонд биржаси листингига киритилган акциядорлик жамиятлари.

Банк томонидан бир юридик шахснинг устав фондидаги (устав капиталларидаги) улушларини ёки акцияларини олиш банкнинг биринчи даражали регулятив капиталнинг 15 фоизидан ошмаслиги керак. Ушбу чеклов банк томонидан мазкур юридик шахсларнинг устав фондидаги (устав капиталларидаги) улушларига ёки акцияларига эгалик қилишга, шу жумладан мазкур юридик шахсларнинг ташкил этилиши ҳолларига нисбатан ҳам татбиқ этилади.

Банк томонидан қимматли қоғозлар билан битимларни амалга ошириш, юридик шахсларнинг устав фондидаги (устав капиталларидаги) улушларини ёки акцияларини сотиб олиш йиғиндиси банкнинг биринчи даражали регулятив капиталнинг 50 фоизидан ошмаслиги керак.

Агар банк томонидан юридик шахслар устав фондидаги (устав капиталларидаги) улушларига ёки акцияларига эгалик қилиш Уставнинг ушбу банди тўртинчи ва бешинчи қисмларида кўрсатилган миқдордан ортиқ бўлса, ушбу ортган қисмни банк бир йил ичида сотиши шарт.

Банкка банк устав капиталнинг бир ёки ундан ортиқ фоизига эгалик қилувчи юридик шахснинг устав фондида (устав капиталларида) иштирок этиш тақиқланади.

Уставнинг ушбу банди талаблари банклар томонидан бошқа банкнинг акцияларини ёки ўзга банк сақловчиси бўлган бошқа қимматли қоғозларни ёхуд ўзга банкка тегишли юридик шахслар устав фондидаги (устав капиталларидаги) улушларни ёки акцияларни улар томонидан қўшиб юбориш ёки қўшиб олиш шаклида қайта ташкил этиш амалга оширилаётганда олиш ҳолларига нисбатан татбиқ этилмайди.

14. Банк ўз фаолиятини Марказий банк томонидан бериладиган, банк фаолиятини амалга ошириш ҳуқуқини берувчи лицензия (бундан буён матнда «лицензия» деб юритилади) асосида амалга оширади.

15. Банк аҳоли, корхоналар, ташкилотлар, кредит ва молия институтлари шу жумладан норезидентларнинг бўш турган пул маблағларини жалб қилади ва уларни талаб қилиб олгунча сақланадиган депозит ҳисобварақларида, омонат, муддатли депозит ҳисобварақларида, шунингдек бошқа турдаги депозит ҳисобварақлари ва мажбурият ҳисобварақларида сақлайди.

Субординар қарзга, эгалик қилиш ҳуқуқларига ёки хизматларига, шу жумладан

суғурта хизматларига тааллуқли бўлган пул маблағлари омонат (депозит) ҳисобланмайди.

16. Банк хўжалик юритувчи субъектлар ва жисмоний шахсларни қонунчилик ҳужжатлари ва банкнинг ички ҳужжатларида белгиланган тартибда сўмда ёки чет эл валютасида кредитлашни амалга оширади.

Банк томонидан бериладиган кредитлар, қоида тариқасида, амалдаги қонунчилик ҳужжатларига мувофиқ ундириш мумкин бўлган мол-мулк гарови, шунингдек, кафолатлар, кафилликлар ва мажбуриятларни бажаришнинг қонунчиликда назарда тутилган бошқа усуллари билан таъминланади.

Банк бу кафолатлар, кафилликлар, мажбуриятларнинг етарлилигини ўз кредит сиёсати, банкнинг бошқа ички ҳужжатлари, Марказий банкнинг норматив-ҳуқуқий ҳужжатлари, шунингдек, фармойишлари, қоида ва тавсияларини ҳисобга олган ҳолда белгилайди.

Юридик шахсларнинг устав фондидаги (устав капиталидаги), ушбу Уставнинг 13-бандида кўрсатилмаган ва унинг талабларига мувофиқ бўлмаган акциялари ҳамда улушлари банк томонидан таъминот сифатида қабул қилиниши мумкин эмас.

Банкка ўз акцияларини гаровга қўйиш эвазига кредит бериш тақиқланади.

Банк ички банк ҳужжатларида ва қонунчиликда белгиланган тартибда таъминланмаган кредит (ишончга асосланган кредит) бериш тўғрисида қарор қабул қилиниши мумкин.

Уставнинг мазкур банди билан белгиланган талаблар, кафолатлар бериш бўйича банк молиявий амалиётларини таъминотларига ҳам тадбиқ этилади.

17. Банк Марказий банк томонидан берилган лицензия асосида Марказий банк томонидан белгиланган қоидалар, қонун ҳужжатлар ва банкнинг ички ҳужжатларига мувофиқ чет эл валютасида амалиётларни амалга оширишга ҳақлидир.

18. Банк қонун ҳужжатларда назарда тутилган тартибда қимматли қоғозлар бозорида профессионал фаолиятни амалга ошириши мумкин.

### III. БАНКНИНГ УСТАВ КАПИТАЛИ

19. Банкнинг устав капитали акциядорлар олган банк акцияларининг номинал қийматидан ташкил топиб, Ўзбекистон Республикасининг миллий валютасида ифодаланади ва ўз кредиторлари манфаатларини кафолатлайдиган банк мол-мулкининг энг кам миқдорини белгилайди.

Банкнинг устав капитали миллий валютада шакллантирилади ҳамда банк муассислари ва акциядорлари киритган пул маблағларидан ёки давлатнинг қимматли қоғозларидан ташкил топади, бундан қуйидаги ҳоллар мустасно:

- банк акцияларини банкнинг кредиторлари орасида жойлаштириш ва банкнинг кредиторлар олдидagi пул мажбуриятлари бўйича ҳар қандай ҳуқуқларини (талабларини) ҳисобга олиш йўли билан уларнинг ҳақини тўлаш;
- қимматли қоғозларни банк акцияларига айирбошлаш;
- банкнинг жойлаштирилган бир турдаги акцияларини ушбу банкнинг бошқа турдаги акцияларига алмаштириш.

Банкнинг устав капиталини шакллантириш учун кредитга, гаровга олинган маблағлардан, шунингдек мажбурият юклатилган бошқа маблағлардан фойдаланишга йўл қўйилмайди.

Тизимли молиявий инқироз ҳолатида банк акциялари давлат қимматли қоғозлари ҳисобидан Ўзбекистон Республикаси Иқтисодиёт ва Молия вазирлиги томонидан сотиб олинниши мумкин.

20. Банк оддий акцияларни жойлаштириши шарт, шунингдек имтиёзли акцияларни жойлаштиришга ҳақли. Банкнинг барча акциялари эгаси ёзилган, эмиссион қимматли қоғозлардир.

Банкнинг барча турдаги акциялари 1000 (минг) сўмни ташкил этадиган номинал қийматга эга.

21. Банкнинг устав капитали 200 000 000 000,00 (икки юз миллиард) сўмдан иборат бўлиб, ва номинал қиймати 1000 (бир минг) сўм бўлган, умумий сони 200 000 000 (икки юз миллион) дона эгасининг номи ёзилган оддий акцияларга бўлинади;

22. Банк акцияларини жойлаштиришда уларнинг ҳақини тўлаш пул маблағлари билан ёки банклар ва банк фаолияти тўғрисидаги қонун ҳужжатларда ва ушбу Уставда ўрнатилган бошқа усулда амалга оширилади. Жойлаштирилган имтиёзли акциянинг номинал қиймати банк устав капиталининг 25 (йигирма беш) фоиздан ошмаслиги керак.

23. Банкнинг устав капиталини кўпайтириш қонун ҳужжатлар ва мазкур Уставда белгиланган тартибда амалга оширилади.

24. Банк мазкур Уставга ўзгартириш ва қўшимчалар киритиш (қонунчилик ҳужжатлари ва ушбу Уставда кўрсатилган ҳоллар бундан мустасно), шунингдек эълон қилинган акцияларнинг максимал миқдорини белгилаш Акциядорлар умумий йиғилиши томонидан қабул қилинади.

Банк ушбу Уставда белгиланган эълон қилинган акциялар сони доирасида қўшимча акциялар жойлаштириш ҳуқуқига эга.

Банк устав капиталини эълон қилинган акцияларнинг энг кўп миқдори чегарасигача кўпайтириш, шунингдек, устав капиталини бундай кўпайтириш ва банкнинг эълон қилган акциялари миқдорини камайтириш билан боғлиқ бўлган банкнинг мазкур Уставига ўзгартириш ва қўшимчалар киритиш Кузатув кенгашининг қарорига асосан амалга оширилади.

Банкнинг устав капиталини қўшимча акцияларни жойлаштириш йўли билан кўпайтириш тўғрисидаги қарорда жойлаштириладиган қўшимча оддий акциялар ёки имтиёзли акцияларнинг сони, уларни жойлаштириш муддатлари ва шартлари, шунингдек қонунчилик ҳужжатларига асосан жойлаштирилган акцияларни сотиб олишда имтиёзли ҳуқуққа эга бўлган акциядорлар учун қўшимча акцияларнинг жойлаштириш нархи белгиланган бўлиши керак.

Қонун ҳужжатларда белгиланган тартибда банкнинг имтиёзли акцияларини оддий акцияларга айирбошлаш мумкин.

Банк томонидан қиймати пул кўринишида тўланадиган акцияларга айирбошладиган акциялар ва эмиссиявий қимматли қоғозлар жойлаштирилганда - овоз берувчи акциялар эгаси уларни имтиёзли сотиб олиш ҳуқуқига эга бўлади. Акциядор, шу жумладан Акциядорларнинг умумий йиғилишида қарши овоз берган ёхуд унда иштирок этмаган акциядор, акцияларни ва акцияларга айирбошладиган эмиссиявий қимматли қоғозларни ўзига тегишли шу турдаги акциялар миқдорига мутаносиб миқдорда имтиёзли сотиб олиш ҳуқуқига эга.

Банк устав капиталини қўшимча акциялар жойлаштириш йўли билан кўпайтириш жойлаштирилган қўшимча акцияларнинг номинал қиймати миқдорида қайд этилади. Бунда эълон қилинган муайян тоифа ва турдаги акцияларнинг миқдори жойлаштирилган ана шу тоифа ва турлардаги акцияларнинг сонига қисқартирилади.

Банк устав капиталини қўшимча акцияларни жойлаштириш йўли билан кўпайтириш қонунчиликда белгиланган тартибда, жалб қилинган инвестициялар, банкнинг ўз капитали ва ҳисобланган дивидендлар ҳисобидан амалга оширилиши мумкин.

Банк устав капиталини унинг ўз капитали ҳисобидан қўшимча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айна

ўша турдаги акциялар унга тегишли акциялар сонига мутаносиб равишда тақсимланади. Банк устав капитали кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, банк устав капиталини кўпайтиришга йўл қўйилмайди.

25. Агар қонунчилик ҳужжатларида бошқача тартиб белгиланган бўлмаса, Банкнинг устав капиталини акцияларнинг номинал қийматини ошириш йўли билан кўпайтиришга йўл қўйилмайди.

26. Банкнинг устав капитали акцияларнинг номинал қийматини камайтириш ёки уларнинг умумий сонини қисқартириш йўли билан, шу жумладан акцияларни кейинчалик бекор қилган ҳолда банк томонидан акцияларнинг бир қисмини сотиб олиш йўли билан камайтирилиши мумкин.

Банк устав капиталини камайтиришга, агар бунинг натижасида унинг миқдори банк устав капиталининг Банк мазкур Уставдаги тегишли ўзгартишларни давлат рўйхатидан ўтказиш санасида аниқланадиган, қонунчилик ҳужжатларида белгиланган энг кам миқдоридан камайиб кетса, ҳақли эмас.

Устав капиталини камайтириш ҳамда Банк мазкур Уставга тегишли ўзгартиришлар киритиш тўғрисидаги қарор Акциядорларнинг умумий йиғилиши томонидан қабул қилинади. Устав капиталини камайтириш тўғрисида қарор қабул қилган вақтда Акциядорларнинг умумий йиғилиши капитални камайтириш сабабларини кўрсатади ва уни камайтириш тартибини белгилайди.

27. Банк ўзи чиқараётган акцияларга уларни оммавий жойлаштириш йўли билан қонунчилик ҳужжатлари талабларини ҳисобга олган ҳолда очик обуна ўтказишга ёки уларни хусусий жойлаштириш йўли билан ёпиқ обуна ўтказишга ҳақли, қонунчилик ҳужжатлари ва ушбу Устав билан ёпиқ обуна ўтказиш имконияти чекланган ҳолатлар бундан мустасно.

Жойлаштирилаётган акцияларнинг сони акцияларни чиқариш тўғрисидаги қарорда кўрсатилган миқдордан кўп бўлмаслиги лозим.

Банк томонидан қўшимча акцияларини ва бошқа эмиссиявий қимматли қоғозларини жойлаштириш муддати уларнинг чиқарилиши давлат рўйхатидан ўтказилган пайтдан бошлаб бир йилдан ошмаслиги керак.

Банк томонидан акцияларни ва акцияларга айирбошланадиган қимматли қоғозларни жойлаштириш икки усулда амалга оширилиши мумкин: очик ёки ёпиқ обуна йўли билан. Жойлаштириш усули ҳар бир алоҳида вазиятда Банк кузатув кенгашининг қарори билан эълон қилинган акциялар чегарасида белгиланади.

#### **IV. БАНКНИНГ ҲУҚУҚ ВА МАЖБУРИЯТЛАРИ**

29. Банк молиявий операцияларини амалга ошириш билан боғлиқ қарорларни қабул қилишда мустақилдир.

30. Банк қуйидаги ҳуқуқларга эга:

омонатлар ва бериладиган кредитлар бўйича фоиз ставкаларини, қонунчилик ҳужжатларига асосан банк операцияларига оид воситачилик ҳақи миқдорини мустақил белгилаш;

шартнома асосида депозит ва кредитлар шаклида бошқа банкларнинг маблағларини жалб қилиш ҳамда маблағларни депозит ва кредитлар шаклида бошқа банкларда жойлаштириш;

ҳисоб-китоб марказлари ва вакиллик ҳисобварақлари орқали ҳисоб-китобларни амалга ошириш;

лицензияда назарда тутилган бошқа молиявий операцияларни бажариш;



банк операциялари бўйича тўлов миқдорини мустакил белгилаш;

қарзни тўлаш бўйича ўз мажбуриятларини бажармаётган қарздорнинг банкротлиги тўғрисида иш қўзғатиш ҳақидаги ариза билан иқтисодий судга мурожаат қилишга ҳақли; лицензияда, қонунчилик ҳужжатлар ва Банкнинг мазкур уставда назарда тутилган, ўз молия-ҳўжалик фаолиятини амалга ошириш учун зарур бўлган бошқа хатти-ҳаракатлар ва операцияларни амалга ошириш.

31. Банк қуйидагиларга мажбур:

маблағларни Марказий банкда захирага қўйиш ва белгиланган пруденциал нормативларга риоя қилиш бўйича Марказий банк томонидан белгиланган талабларни бажариш;

кредит ва лизинг операциялари бўйича эҳтимолий йўқотишларни қоплаш учун Марказий банк томонидан, ички банк ҳужжатларида белгиланган тартиб ва миқдорларда захиралар ташкил этиш;

гаров (шу жумладан мол-мулк шаклидаги), бериладиган кафолатлар, кафиликлар ва мажбуриятларнинг етарлилигини ҳисобга олган ҳолда бериладиган кредитлар таъминланишининг ички тартибини белгилаш;

ўз фаолияти тўғрисидаги ахборотни қонунчилик ҳужжатларида белгиланган тартибда ошкор этиш;

банкда Ички аудит департаментига эга бўлишини таъминлаш;

«тенглик» тамойилига риоя қилиш, яъни барча акциядорларга уларнинг улуши, даромад даражаси, жинси, irqи, дини, миллати, тили, ижтимоий келиб чиқиши, шахсий ва ижтимоий маъқедан қатъи назар бир хил муносабатда бўлишдир.

32. Банк ўз миждози ва вакилларининг операциялари, ҳисобварақлари ҳамда омонатларини қонунчилик ҳужжатларда ўрнатилган тартибда сир сақлаш мажбуриятини олади. Банк сирини ташкил этувчи маълумотлар миждознинг (вакилнинг) ўзига, миждоз томонидан ваколат берилган вакилга ва қонунчиликда белгиланган тартибда бошқа шахсларга берилади.

## V. БАНК АКЦИЯДОРЛАРИ

33. Юридик ва жисмоний шахслар, шунингдек Ўзбекистон Республикасининг норезидентлари ҳам, банк акциядорлари бўлиши мумкин.

Норезидент бўлган жисмоний шахсларнинг ва халқаро молия институтлари, чет эл банклари ва бошқа кредит ташкилотлари бўлмаган юридик шахсларнинг жами улуши банк устав капиталининг эллик фоизидан ошмаслиги керак.

Банкнинг норезидент иштирокчилари, шунингдек, банк акцияларига тўғридан-тўғри ёки бевосита эгалик қила олмайдиган норезидентларга қўйиладиган талаблар қонунчилик билан ўрнатилади.

Жисмоний ва юридик шахслар ёки биргаликда ҳаракат қилувчи шахслар, шу жумладан норезидентлар, банк акцияларига эгалик қилиш учун қонунчиликда ўрнатилган тартибда Марказий банкнинг тегишли рухсатномасини олишлари шарт.

Банк акциялари эгалари қонунчиликда ўрнатилган тартибда банк устав капиталидаги улушларнинг ўзгарганлиги ҳақида Марказий банккни хабардор қилишлари шарт.

Қонунчиликда ўрнатилган ҳолларда банк акцияларини сотиб олиш учун монополияга қарши органнинг олдиндан розилигини олиш талаб этилади.

Банк акциялари юқоридаги талаблар бузилган ҳолда олинган тақдирда, акцияларнинг эгаси бундай битим тузилган кундан эътиборан акциядорларнинг Умумий йиғилишида овоз беришга, акциядорларнинг навбатдан ташқари умумий йиғилишини чақиришни ва ўтказишни талаб қилишга, кун тартибига масалалар киритишга, Банк кузатув кенгаши ва

бошқаруви аъзолигига номзодлар кўрсатишга, шунингдек банк фойдасининг бир қисмини дивидендлар тарзида олишга ҳақли эмас.

#### 33.1. Акциядорлар:

банкнинг акциядорлари реестрига киритилиш;

депозитарийдаги депо ҳисобварағидан ўзига тааллуқли кўчирма олиш;

банк фойдасининг бир қисмини дивидендлар тарзида олиш;

банк тугатилган тақдирда ўзига тегишли улушга мувофиқ мол-мулкнинг бир қисмини олиш;

Акциядорларнинг умумий йиғилишларида овоз бериш орқали банкни бошқаришда иштирок этиш;

белгиланган тартибда банкнинг молиявий-хўжалик фаолияти натижалари тўғрисида тўлиқ ва ишончли ахборот олиш;

олган дивидендини эркин тасарруф этиш;

қонунчилик ҳужжатларида белгиланган тартибда ва асосларда банкдан унга тегишли бўлган акцияларнинг ҳаммаси ёки бир қисмини сотиб олишини талаб қилиш. Бу ҳолларда тегишли бўлган акцияларнинг ҳаммаси ёки бир қисмини банкка сотиш ёки рад қилиш, ушбу акцияларни чиқариш рисоласида белгиланган тартибда амалга оширилади, қонунчилик ҳужжатларида белгиланган ҳолатлар бундан мустасно;

қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

ўзига етказилган зарарнинг ўрни қопланиш ва банк томонидан ҳисобланган дивидендларни тўлашни белгиланган тартибда талаб қилиш;

банк акцияларини олишда зарар кўриш, шу жумладан бой берилган фойда эҳтимоли билан боғлиқ таваккалчиликни суғурта қилиш ҳуқуқига эга;

йиғилиш кун тартибидаги масала бўйича овоз беришда биргаликдаги позициясини шакллантириш учун акциядорлар келишуви тузиш;

қонунчилик ҳужжатлар ва мазур Уставда белгиланган тартибда муайян ахборотлар ва ҳужжатларга руҳсат талаб қилиш;

Банк кузатув кенгашининг, унинг ваколат доирасига кирадиган масалалар бўйича, шунингдек банк фаолиятини тартибга солувчи қонунчилик ҳужжатларига риоя қилиниши тўғрисидаги ҳисоботини тинглаш.

Акциядорлар қонунчилик ҳужжатларида ва ушбу Уставда мувофиқ бошқа ҳуқуқларга ҳам эга бўлади.

Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонунчилик билан кўриқланадиган манфаатларини бузмаслиги лозим.

33.2. Биргаликда бир фоиздан кам бўлмаган банкнинг овоз берувчи акциялари эгалари бўлган акциядорлар, қонунчилик ҳужжатларида ёки ушбу Уставда белгиланган муддатларда, умумий йиғилиш ўтказилгунигача қадар, Акциядорлар умумий йиғилиши кун тартибига, бошқарув ва назорат органлари аъзолигига номзодлар ўзгартириш бўйича таклифлар киритишга ҳақли.

Банк акцияларининг 50 ва ундан ортиқ фоизи эгасига айланган шахс, агар у бунгача банк акцияларига эгалик қилмаган ёки акцияларининг 50 фоизидан камроғига эгалик қилган бўлса, қолган акциялар эгаларига акцияларни бозор қиймати бўйича ўзига сотишлари борасидаги таклифини ўттиз кун ичида эълон қилиши шарт.

Акциядорнинг ўзига тегишли акцияларни сотиши тўғрисидаги ёзма розилиги эълон қилинган кундан эътиборан ўттиз кун ичида олинган тақдирда, банкнинг 50 ва ундан ортиқ фоиз акциялари эгаси мазкур акцияларни сотиб олиши шарт.

#### 34. Акциядор куйидагиларга мажбур:

ўз акцияларига бўлган ҳуқуқларини ҳисобга олиш бўйича хизматлар кўрсатувчи депозитарийни ва (ёки) инвестиция воситачисини ўзига оид маълумотлардаги ўзгаришлар

ҳақида ўз вақтида хабардор қилиш;

банк сирини, хизмат, тижорат ва бошқа сирни ташкил этувчи ахборотни ва қонунчилик билан қўриқланадиган бошқа махфий маълумотларни ошкор этмаслик;

Ўзбекистон Республикасининг амалдаги қонунчилик ҳужжатлари ва ушбу Уставда назарда тутилган бошқа мажбуриятларни бажариш.

## **VI. БАНКНИНГ СОФ ФОЙДАСИНИ ТАҚСИМЛАШ. ДИВИДЕНДЛАР.**

35. Дивиденд банк соф фойдасининг акциядорлар ўртасида тақсимланадиган қисмидир.

Дивиденд Акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд банкнинг қимматли қоғозлари билан тўланиши мумкин.

Банкнинг имтиёзли акциялари бўйича дивидендларни қимматли қоғозлар билан тўлашга йўл қўйилмайди.

36. Банк акциядорларга дивидендлар тўлаш, шунингдек, Банк кузатув кенгаши, бошқаруви аъзолари ва ходимларини мукофотлаш тўғрисида қарор қабул қилишга ҳақли эмас:

Банк устав капиталининг ҳаммаси унинг таъсис этилиши чоғида тўлик тўлаб бўлингунига қадар;

Ушбу ҳолатлар тугатилгач, банк акциядорларга ҳисобланган фоизларни тўлаши, Банкнинг кузатув кенгаши, бошқаруви аъзолари ва ходимларини мукофот суммаларини тўлаб бериши шарт.

агар дивидендлар тўланадиган пайтда банкда банкротлик белгилари мавжуд бўлса ёки банкда шундай белгилар дивидендларни тўлаш натижасида пайдо бўлса:

Ушбу ҳолатлар тугатилгач, банк акциядорларга ҳисобланган фоизларни тўлаши, Банкнинг кузатув кенгаши, бошқаруви аъзолари ва ходимларини мукофот суммаларини тўлаб бериши шарт.

агар банк соф активларининг қиймати унинг устав капитали ва захира фондлари суммасидан кам бўлса;

Ушбу ҳолатлар тугатилгач, банк акциядорларга ҳисобланган фоизларни тўлаши, Банкнинг кузатув кенгаши, бошқаруви аъзолари ва ходимларини мукофот суммаларини тўлаб бериши шарт.

қонунда ўрнатилган бошқа ҳолларда.

Банк қонунда белгиланган ҳолларда, фойдани тақсимлаш учун Марказий банкнинг розилигини олиши керак.

37. Банк молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра, агар, қонунда ва ушбу Уставда бошқа ҳол назарда тутилмаган бўлса, жойлаштирилган акциялар бўйича дивидендлар тўлаш тўғрисида қарор қабул қилишга ҳақлидир.

Банкнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугаганидан сўнг уч ой ичида қабул қилиниши мумкин.

Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Банк Кузатув кенгашининг тавсияси, молиявий ҳисоботнинг ишончилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида Акциядорларнинг умумий йиғилиши томонидан қабул қилинади. Дивидендларнинг миқдори Банк кузатув кенгаши томонидан тавсия этилган миқдордан кўп бўлиши мумкин эмас.

38. Банк акцияларнинг ҳар бир тури бўйича эълон қилинган дивидендларни тўлаши шарт. Дивиденд акциядорлар ўртасида уларга тегишли акцияларнинг сони ва турига муносиб равишда тақсимланади.

Дивидендлар банк тасарруфида қоладиган соф фойдадан ва (ёки) ўтган йилларнинг тақсимланмаган фойдасидан тўланади. Агарда банк етарли даромадга эга бўлмаса ёки зарарга ишлаётган бўлса, имтиёзли акциялар бўйича дивидендлар банкнинг заҳира фонди ҳисобидан тўланиши мумкин.

Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

Дивидендларни тўлаш муддати шундай қарор қабул қилинган кундан эътиборан 60 кундан кеч бўлмаслиги лозим.

Дивидендларни тўлаш чоғида биринчи навбатда имтиёзли акциялар бўйича тўланади.

Имтиёзли акциялар бўйича, мазкур Уставда белгиланган миқдорда тўланмаган ёки тўлик тўланмай қолган дивидендлар жамғариб борилади ва кейинчалик тўланади.

39. Акциядорларга дивидендларни тўлаш тўғрисида қарор қабул қилинган Акциядорларнинг умумий йиғилишини ўтказиш учун шакллантирилган банк акциядорларининг реестрида қайд этилган шахслар акциялар бўйича дивиденд олиш ҳуқуқига эга.

Банк акциядорларининг реестри, Акциядорларнинг умумий йиғилиши ўтказиладиган санадан 3 иш куни олдин шакллантирилади.

40. Банк дивидендларнинг миқдорини улардан ундириладиган солиқларни инобатга олмаган ҳолда эълон қилади. Банк тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва банкнинг расмий веб-сайтларида қонунчилик ҳужжатларида белгиланган муддатларда эълон қилади.

41. Банк заҳира фондиди банк устав капиталининг 15 фоизи миқдорида ташкил этади.

Банкнинг заҳира фонди ушбу Уставда белгиланган миқдорга етгунга қадар банк соф фойдасининг 5% миқдорида ҳар йилги мажбурий ажратмалар орқали шакллантирилади.

42. Бошқа маблағлар мавжуд бўлмаган тақдирда банкнинг заҳира фонди банк зарарлари ўрнини қоплаш, банк корпоратив облигацияларини муомаладан чиқариш, имтиёзли акциялар бўйича дивидендлар тўлаш ва банк акцияларини қайтариб сотиб олиш учун мўлжалланади.

## **VII. БАНКНИ БОШҚАРИШ**

43. Қуйидагилар Банкнинг бошқарув органлари ҳисобланади:

Акциядорларнинг умумий йиғилиши;

Банк кузатув кенгаши;

Банк Бошқаруви.

Банк кузатув кенгаши ва Банк бошқаруви ушбу Устав, банк ички ҳужжатлари, Акциядорларнинг умумий йиғилиши қарорлари ва қонунчилик ҳужжатларда берилган ваколатлар доирасида банк фаолиятига раҳбарлик қилади.

Банк фаолиятини самарали ташкил этиш ва устав капиталига хорижий инвесторларни жалб этиш, Банкни бошқарув органлари, меҳнат жамоаси вакиллари ўртасида ўзаро муносабатлар тизимини таъминлаш Банк акциядорларининг умумий йиғилиши томонидан тасдиқланадиган Корпоратив бошқарув кодекси ва банкнинг бошқа ички ҳужжатлари асосида амалга оширилади.

## АКЦИЯДОРЛАРНИНГ УМУМИЙ ЙИГИЛИШИ

44. Акциядорларнинг умумий йиғилиши банкнинг юқори бошқарув органидир.

45. Акциядорлар умумий йиғилишининг ваколат доирасига қуйидагилар киради:

45.1. ушбу Уставга ўзгартириш ва қўшимчалар киритиш ёки, банк уставини янги тахрирда тасдиқлаш;

45.2. банкни қайта ташкил этиш;

45.3. тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;

45.4. Кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

45.5. Миноритар акциядорлар қўмитасининг сон таркибини белгилаш, унинг аъзоларини сайлаш ва ваколатларини муддатидан илгари тугатиш;

45.6. эълон қилинган акцияларнинг энг кўп миқдорини белгилаш;

45.7. банкнинг устав капиталини кўпайтириш;

45.8. банкнинг устав капиталини камайтириш;

45.9. қонунчилик ҳужжатларида белгиланган тартибда Марказий банкнинг розилиги билан банк томонидан ўз акцияларини сотиб олиш;

45.10. банкнинг ташкилий тузилмасини тасдиқлаш, Банк бошқарувини шакллантириш, Банк бошқаруви раиси ва аъзоларини сайлаш (тайинлаш) ҳамда уларнинг ваколатларини муддатидан олдин тугатиш;

45.11. банкнинг йиллик ҳисоботини ва банкнинг йиллик бизнес-режасини, шунингдек, банк фаолиятининг асосий йўналишлари ва мақсадидан келиб чиққан ҳолда банкни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш.

45.12. аудиторлик текширувини ўтказиш учун аудиторлик ташкилотини белгилаш ушбу ташкилотнинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

45.13. Акциядорлар умумий йиғилиши, Миноритар акциядорлар қўмитаси, Банк кузатув кенгаши, Банк бошқаруви ва Банк кузатув кенгаши аъзоларини мукофотлаш тартиби тўғрисида низомларни ва қонунчилик ҳужжатларига асосан Акциядорлар умумий йиғилишининг мутлақ ваколатига кирувчи банкнинг ички ҳужжатларини, шунингдек, уларга киритиладиган қўшимча ва ўзгартиришларни тасдиқлаш;

45.14. банкнинг йиллик ҳисоботини, шунингдек, банк фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;

45.15. қонунчилик ҳужжатлари талаблари ва чекловларини ҳисобга олган ҳолда банк фойдаси ва зарарларини тақсимлаш;

45.16. жамият Кузатув кенгашининг ўз ваколат доирасига кирадиган масалалар юзасидан, шу жумладан, банкни бошқаришга доир қонунчилик ҳужжатларида белгиланган талабларга риоя этилиши юзасидан ҳисоботларини эшитиш;

45.17. банк томонидан корпоратив облигациялар, шу жумладан, акцияларга айирбошланадиган облигациялар чиқариш тўғрисида қарор қабул қилиш;

45.18. банкнинг қимматли қоғозларининг ҳосилаларини чиқариш тўғрисида қарор қабул қилиш;

45.19. банкнинг корпоратив облигацияларни сотиб олиш тўғрисида қарор қабул қилиш;

45.20. қонунчилик ҳужжатларида назарда тутилган ҳолларда, аффилиланган шахслар билан битим тузиш тўғрисида қарор қабул қилиш.

45.21. қонунчилик ҳужжатларида назарда тутилган ҳолларда, акциядорларнинг устунлик ҳуқуқидан фойдаланмаслик тўғрисида қарор қабул қилиш.

45.22. қонунчилик ҳужжатлари ва ушбу Устав асосида акцияларни жойлаштириш нарҳини (биржада ва ташкил этилган биржадан ташқари қимматли қоғозлар бозорида жойлаштириш) белгилаш;

45.23. Акциядорлар умумий йиғилишининг регламентини тасдиқлаш;

45.24. акцияларни майдалаш ва йириклаштириш;

45.25. Банк бошқаруви аъзоларига тўланадиган ҳақ ва (ёки) компенсация миқдорини белгилаш;

45.26. предмети мол-мулк, баланс қиймати бўлган, ёки Банк кузатув кенгаши аъзолари йирик битим тузиш масаласида бир овоздан фикрга келмаган ҳолларда ҳам мол-мулкни бошқа шахсга ўтказиш имконияти билан боғлиқ йирик битимни тузиш тўғрисида қарор қабул қилинган кундан бошлаб, банк соф активларининг 50 (эллик) фоизидан кўпроғини ташкил этадиган сотиб олиш қиймати бўлган йирик битимни тузиш тўғрисида қарор қабул қилиш.

45.27. Банк кузатув кенгаши ва Банк бошқарувининг банкни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисоботларини кўриб чиқиши;

45.28. Банк кузатув кенгаши томонидан қарорлар қабул қилиниши мумкин бўлган банк томонидан хайрия, текин ва ҳомийлик ёрдами кўрсатиш чегараларини ўрнатиш бўйича қарорлар қабул қилиш;

45.29. имтиёзли акцияларни оддий акцияларга айрибошлаш ҳақидаги қарорни қабул қилиш ва тасдиқлаш;

45.30. қонунчилик ҳужжатлар, мазкур Устав, Акциядорларнинг умумий йиғилиши ва банкнинг бошқа ички ҳужжатлар би акциядорлар умумий йиғилишининг ваколатларига киритилган бошқа масалаларни ҳал қилиш.

46. Банкнинг мазкур Уставининг 45.1, 45.2., 45.3., 45.6, 45.16., 45.20, 45.26 кичик бандларида кўрсатилган масалалар бўйича қарор Акциядорларнинг умумий йиғилиши томонидан Акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.

47. Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартиришлар киритишга ҳақли эмас.

48. Банк молиявий йил тугаганидан кейин олти ойдан кечиктирмай акциядорларнинг йиллик умумий йиғилишини ўтказиши шарт.

Зарурат бўлганда, Банк кузатув кенгаши акциядорларни қонунчилик ҳужжатларда белгиланган тартибда олдиндан хабардор қилган ҳолда, Акциядорларнинг йиллик умумий йиғилишини бошқа санада (аммо молия йили тугаганидан кейин олти ойдан кечиктирмай) ўтказиш тўғрисидаги қарор қабул қилиш ҳуқуқига эга.

49. Акциядорларнинг умумий йиғилишини ўтказиш тўғрисидаги хабар амалдаги қонунчиликда белгиланган муддатларда акциядорларнинг реестри асосида Корпоратив ахборотнинг ягона порталида, банкнинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

50. Акциядорларнинг йиллик умумий йиғилишини ўтказишга тайёргарлик кўрилаётганда акциядорларга тақдим этилиши лозим бўлган ахборотга (материалларга) банкнинг йиллик ҳисоботи, банкнинг йиллик молиявий-хўжалик фаолиятини текшириш

натижалари юзасидан аудиторлик ташкилотининг хулосаси, шунингдек, Банк кузатув кенгаши ва Миноритар акциядорлар кўмитаси аъзолигига номзодлар тўғрисидаги маълумотлар, Банкнинг ушбу уставига киритиладиган ўзгартириш ва қўшимчалар лойиҳаси ёки банкнинг янги таҳрирдаги устав лойиҳаси киради.

51. Акциядорларнинг умумий йиғилишида иштирок этиш ҳуқуқига Акциядорларнинг умумий йиғилишини ўтказиш санасидан 3 иш куни олдин шакллантириладиган банк акциядорларининг реестрида қайд этилган акциядорлар эга бўлади.

52. Банк овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) банкнинг молия йили тугаганидан кейин 90 (тўқсон) кундан кечиктирмай, Акциядорларнинг йиллик умумий йиғилиши кун тартибига қонунчилик ҳужжатларда ўрнатилган тартибда масалалар киритишга ҳамда Миноритар акциядорлар кўмитаси, Банк кузатув кенгашига бу органнинг миқдор таркибидан ошмайдиган тарзда номзодлар кўрсатишга ҳақли.

53. Акциядорларнинг навбатдан ташқари умумий йиғилиши Банк кузатув кенгашининг қарорига кўра унинг ўз ташаббуси асосида, шунингдек талаб тақдим этилган санада банк овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида ўтказилади.

54. Акциядорларнинг умумий йиғилишида иштирок этиш ҳуқуқи шахсан акциядор томонидан ёки унинг вакили орқали амалга оширилади. Акциядор Акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир.

55. Акциядорнинг вакили акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига ёки идентификацияловчи шахс гувоҳномаси (ID-картаси)га оид маълумотлар) бўлиши лозим. Жисмоний шахс номидан берилган овоз беришга доир ишончнома нотариал тартибда тасдиқланган бўлиши керак. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан (муҳр мавжуд бўлган тақдирда) тасдиқланган ҳолда берилади.

56. Агар Акциядорларнинг умумий йиғилишида иштирок этиш учун рўйхатдан ўтказиш тугалланган пайтдан, банкнинг жойлаштирилган овоз берувчи акцияларининг жами эллик фоизидан кўпига эга бўлган акциядорлар (уларнинг вакиллари) рўйхатдан ўтган бўлса, Акциядорларнинг умумий йиғилиши ваколатли (кворумга эга) бўлади.

Акциядорларнинг умумий йиғилишини ўтказиш учун кворум бўлмаса, Акциядорларнинг такрорий умумий йиғилишини ўтказиш санаси эълон қилинади. Акциядорларнинг такрорий умумий йиғилишини ўтказишда кун тартибини ўзгартиришга йўл қўйилмайди.

Агар акциядорларнинг ўтказилмай қолган йиғилиши ўрнига чақирилган такрорий умумий йиғилишида иштирок этиш учун рўйхатдан ўтказиш тугалланган пайтда банкнинг жойлаштирилган овоз берувчи акцияларининг жами қирк фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, Акциядорларнинг такрорий умумий йиғилиши ваколатли бўлади.

57. Акциядорларнинг умумий йиғилишида кун тартибининг масалалари бўйича овоз бериш овоз бериш бюллетенлари орқали амалга оширилади.

Овоз бериш бюллетенларининг шакли ва матни Банк кузатув кенгаши томонидан тасдиқланади, Акциядорларнинг навбатдан ташқари умумий йиғилиши Банк кузатув кенгаши томонидан чақирилмаган ҳоллар бундан мустасно. Овоз бериш бюллетени умумий йиғилишда иштирок этиш учун рўйхатга олинган акциядорга (унинг вакилига) берилади.

Банк Акциядорларнинг умумий йиғилишида иштирок этувчи шахсга, ушбу шахс ҳисобидан улар томонидан тўлдирилган бюллетендан нусха кўчириб олиш имконини беради.

58. Банк кузатув кенгаши аъзосини сайлаш тўғрисидаги масала юзасидан овоз бериш ўтказилган тақдирда, овоз бериш бюллетенида номзод тўғрисидаги маълумотлар, унинг фамилияси, исми, отасининг исми кўрсатилиши лозим.

59. Санок комиссияси Акциядорларнинг умумий йиғилишида кворум бор ёки йўқлигини аниқлайди, умумий йиғилишда овоз бериш ҳуқуқларининг акциядорлар (уларнинг вакиллари) томонидан амалга оширилиши муносабати билан юзага келадиган масалаларни тушунтиради, овозга қўйиладиган масалалар бўйича овоз бериш тартибини тушунтиради, овоз беришнинг белгиланган тартиби ва акциядорларнинг овоз беришда иштирок этиш ҳуқуқларини таъминлайди, овозларни санаб чиқади ва овоз бериш яқунларини чиқаради, овоз бериш яқунлари тўғрисида баённома тузади, овоз бериш бюллетенларини банкнинг архивига топширади.

60. Акциядорлар умумий йиғилишининг баённомаси Акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

61. Миноритар акциядорларнинг ҳуқуқлари ва қонуний манфаатларини ҳимоя қилиш мақсадида банкда уларнинг орасидан Миноритар акциядорларнинг қўмитаси ташкил этилиши мумкин.

Миноритар акциядорлар қўмитасининг таркибига номзодлар бўйича таклифлар банкка Банк кузатув кенгашига номзодлар бўйича таклифлар киритиш учун назарда тутилган тартибда ва муддатларда киритилади.

Миноритар акциядорлар қўмитасининг аъзоларини сайлашда Акциядорларнинг умумий йиғилишида ҳозир бўлган ва Банк кузатув кенгашига номзодлар кўрсатмаган ёхуд акциядорларнинг ўтказилаётган умумий йиғилишида Банк кузатув кенгашига номзодлари сайланмаган акциядорлар иштирок этади.

Миноритар акциядорлар қўмитаси таркибига Банк бошқаруви раиси, Банк бошқаруви аъзолари, шунингдек Банк кузатув кенгашига сайланган шахслар киритилиши мумкин эмас.

Миноритар акциядорлар қўмитасининг ваколатига қуйидагилар қиради:

Акциядорларнинг умумий йиғилиши ёки Банк кузатув кенгаши кўриб чиқиши учун киритилаётган йирик битимлар ва аффилиланган шахслар билан битимлар тузишга оид масалалар бўйича таклифлар тайёрлашда иштирок этиш;

миноритар акциядорларнинг ўз ҳуқуқлари ва қонуний манфаатларини ҳимоя қилиш билан боғлиқ мурожаатларини кўриб чиқиш;

қимматли қоғозлар бозорини тартибга солиш бўйича ваколатли давлат органига миноритар акциядорларнинг ҳуқуқлари ва қонуний манфаатларини ҳимоя қилиш тўғрисида мурожаатлар киритиш;

қонунчилик ҳужжатларига ва Банкнинг ушбу уставига мувофиқ бошқа масалаларни кўриб чиқиш.

Миноритар акциядорлар қўмитасининг қарорлари оддий кўпчилик овози билан қабул қилинади. Миноритар акциядорлар қўмитасининг мажлислари унинг миқдор таркибига сайланган шахсларнинг камида тўртдан уч қисми ҳозир бўлганда ваколатлидир.

Миноритар акциядорлар қўмитаси 3 (уч) кишидан кам бўлмаган таркибда сайланади ва тоқ сондан ташкил топган бўлиши керак.

Миноритар акциядорларнинг қўмитаси қабул қилинган қарорлар тўғрисида ҳар йили Акциядорларнинг умумий йиғилишида ҳисобот беради.

Миноритар акциядорлар қўмитасининг раиси Миноритар акциядорлар қўмитасининг



аъзолари томонидан унинг аъзолари орасидан кўпчиликнинг овози билан сайланади.

Миноритар акциядорлар кўмитасининг раиси Миноритар акциядорлар кўмитасининг ваколат доирасига киритилган барча масалалар бўйича банкнинг ҳужжатларидан фойдаланиш ҳуқуқига эга.

Миноритар акциядорлар кўмитасининг фаолият кўрсатиш тартиби қимматли қоғозлар бозорини тартибга солиш бўйича ваколатли давлат органи томонидан тасдиқланади.

Миноритар акциядорлар кўмитаси банкнинг хўжалик фаолиятига аралашшига, миноритар акциядорлар эса ҳужжатларни асоссиз равишда талаб қилишга ва махфий ахборотлар, тижорат ва банк сирларини сақлаб Банкнинг бошқаруви органилари фаолиятига тўсқинлик қилишга ҳақли эмас.

Миноритар акциядорлар кўмитасининг фаолиятига Банк кузатув кенгашининг ёки Банк бошқарувининг аралашувиغا йўл қўйилмайди.

62. Агар барча овоз берувчи акциялар битта акциядорга тегишли бўлса, акциядорларнинг умумий йиғилиши ўтказилмайди ва Уставнинг акциядорларнинг умумий йиғилишини чақириш ва ўтказиш тартибини тартибга солувчи қоидалари қўлланилмайди. Барча қарорлар фақат бундай акциядор томонидан қабул қилинади ва ёзма равишда бажарилиши керак, агар бу қарорлар имтиёзли акциялар билан тасдиқланган ҳуқуқларни бузмаса ёки чекламаса. Агар ягона акциядор ёки барча овоз берувчи акцияларга эгалик қилувчи шахс юридик шахс бўлса, қарорлар юридик шахснинг уставига мувофиқ бундай қарорларни қабул қилиш ҳуқуқига эга бўлган юридик шахснинг органи, мансабдор шахслари ёки ходимлари томонидан қабул қилинади.

## **БАНК КУЗАТУВ КЕНГАШИ**

63. Банкнинг кузатув кенгаши банк фаолиятига умумий раҳбарликни амалга оширади, бошқарувга оид қарорлар қабул қилиш жараёнида назорат ва текширув вазифасини бажаради ҳамда умуман банкнинг фаолияти ва молиявий барқарорлиги учун жавобгардир.

Банкнинг кузатув кенгаши банкни самарали ва тадбирли бошқаришни, шу жумладан Банк бошқаруви аъзолари ўртасида ваколатларнинг ҳамда жавобгарликнинг тақсимланишини, манфаатлар тўқнашувининг олди олинишини ва бартараф этилишини таъминлайдиган бошқарув ташкилий тузилмасини белгилайди ҳамда унинг жорий этилиши устидан назорат ва текширувни амалга оширади.

Банкнинг кузатув кенгаши аъзолари банкнинг оқилона Корпоратив бошқарувига кўмаклашиши ҳамда ўз ваколатларини ва мажбуриятларини бажариш чоғида банкнинг, унинг омонатчилари ва акциядорларининг қонуний манфаатларини инобатга олиши, шунингдек Марказий банк билан самарали ҳамкорликни таъминлаши керак.

64. Банк кузатув кенгашининг ваколат доирасига қуйидагилар киради:

64.1. халқаро тажрибани таҳлил қилиш асосида инвестиция, моддий-техник, молиявий ва меҳнат ресурсларидан фойдаланиш самарадорлигини ошириш ва Банк бошқаруви ваколатига киритилган бошқа масалалар бўйича банкни ривожлантириш стратегиясига эришиш бўйича кўрилаётган чора-тадбирлар тўғрисида Банк бошқарувининг ҳисоботларини мунтазам равишда эшитиб бориш;

64.2. Акциядорларнинг йиллик ва навбатдан ташқари умумий йиғилишларини чақириш, қонунчилик ҳужжатларида ва ушбу Уставда назарда тутилган ҳоллар бундан мустасно;

64.3. Акциядорлар умумий йиғилиш кун тартибини тайёрлаш, шу жумладан, Банк кузатув кенгашининг умумий йиғилиш кун тартибидаги масала бўйича позицияси

юзасидан зарур маълумотларни тақдим этиш;

64.4. Акциядорларнинг умумий йиғилиши ўтказиладиган сана, вақти ва жойини белгилаш;

64.5. Акциядорларнинг умумий йиғилиши ўтказилиши ҳақида хабар қилиш учун банк акциядорларининг реестрини шакллантириш санасини белгилаш;

64.6. банкни қайта ташкил қилиш ва тугатиш, Банкнинг ушбу уставига ўзгартиришлар ва қўшимчалар киритиш ёки янги таҳрирдаги Банк уставини тасдиқлаш, мажбурий аудиторлик текшируви ўтказиш; банкнинг йиллик ҳисоботи, банк фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш, фойда ва зарарлари тақсимлаш масалаларини Акциядорларнинг умумий йиғилиши хал қилиш учун киритиш;

64.7. мол-мулкнинг бозор қийматини белгилашни ташкил этиш;

64.8. ички аудит хизматини ташкил этиш, уларнинг ходимларини ва корпоратив маслаҳатчини лавозимга тайинлаш ва лавозимидан озод этиш, шунингдек ҳар чоракда уларнинг ҳисоботларини эшитиш;

64.9. дивиденд миқдори, уни тўлаш шакли ва тартиби юзасидан тавсиялар бериш;

64.10. банкнинг заҳира фондидан ва бошқа фондларидан фойдаланиш;

64.11. банк филиалларини, ваколатхоналарини очиш, ташкил қилиш ва фаолиятини тўхтатиш;

64.12. Шўъба ва тобе хўжалик жамиятларини ташкил этиш, қайта ташкил этиш ва тугатиш;

64.13. баланс қиймати ёки олиш қиймати битим тузиш тўғрисида қарор қабул қилинаётган санада банк соф активлари миқдорининг ўн беш фоизидан эллик фоизигачасини ташкил этувчи мол-мулк хусусида банк томонидан мол-мулкни олиш ёхуд эҳтимолий бегоналаштириш билан боғлиқ бўлган йирик битим тузиш тўғрисидаги қарор қабул қилиш. Бунда йирик битим тузиш тўғрисидаги қарор мол-мулкнинг Ўзбекистон Республикаси қонунчилигига мувофиқ баҳоловчи ташкилот томонидан белгиланган бозор қиймати ҳисобга олинган, мустақил ташқи аудиторлик ташкилоти томонидан битимнинг шартлари ўрганилган ҳолда мажбурий тартибда қабул қилинади;

64.14. қонунчиликда ўрнатилган тартибда банкнинг тижорат ва нотижорат ташкилотларида қатнашиши билан боғлиқ битимлар тузиш;

64.15. банк билан алоқадор бўлган ёки аффилиланган шахслар билан битим тузишга руҳсат бериш, бундай битим тузиш тўғрисидаги қарор қонунчилик ҳужжатлари ва ушбу Уставга мувофиқ Акциядорлар умумий йиғилишининг ваколат доирасига киритилган ҳоллар бундан мустасно. Кузатув кенгашининг аъзоси банк билан ўзи ўртасида ёки ўзига алоқадор шахс ўртасида тузилган ёки тузиладиган битим масаласи кўриляётган Кузатув кенгаши йиғилишида ҳозир бўлмаслиги, Кузатув кенгаши қабул қиладиган қарорга таъсир кўрсатишга уринмаслиги керак;

64.16. депозит сертификатлари чиқариш тўғрисида қарор қабул қилиш;

64.17. банкнинг ички ҳужжатларни тасдиқлаш, ва уларни ишлаб чиқиш ва тасдиқлаш тартибини белгилаш, қонунчилик ҳужжатлари ва ушбу Уставга мувофиқ тасдиқлаш Акциядорларнинг умумий йиғилишининг ва Банк бошқарувининг ваколатига тааллуқли бўлган ички ҳужжатларни тасдиқлаш бундан мустасно;

64.18. Банк бошқаруви фаолиятига дахлдор ҳар қандай ҳужжатдан эркин фойдаланиш ва Банк бошқаруви ёки унинг топшириғи бўйича масъул шахслардан Банк кузатув кенгаши зиммасига юклатилган вазифаларни бажариш учун уларни олиш. Банк кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

64.19. хайрия, хомийлик ва беғараз ёрдам бериш шартлари ва улар ҳақида қарорлар

қабул қилиш. Бунда Акциядорлар умумий йиғилиши ва жорий йил учун бизнес-режада белгиланган чегарадан четга чиқмаган ҳолда, бу ҳақда Акциядорларнинг йиллик умумий йиғилишида барча акциядорларга маълумотларни ошкор этиш шарти билан хайрия, хомийлик ва беғараз ёрдам беришга Банк кузатув кенгашининг қарори асосида йўл қўйилади;

64.20. банк ички ҳужжатларида белгиланган тартибда юзага келувчи Банк ва (ёки) унинг таркибий тузилмалари ва (ёки) ходимлари, мижозларининг мулкӣ ва бошқа манфаатлари ўртасидаги зиддият, бунинг натижасида банк ва (ёки) унинг мижозлари учун нохуш оқибатларни келтириб чиқарувчи манфаатлар тўқнашувининг олдини олиш ва уни бартараф этиш;

64.21. учинчи шахслар томонидан банк фаолияти тўғрисидаги эксперт ҳисоботларини банк веб сайти ёки «Интернет» ахборот телекоммуникация тармоғида жойлаштириш учун дастлабки розилик бериш;

64.22. аудиторлик (Мажбурий аудиторлик текширувидан ташқари) текширувини ўтказиш тўғрисида, аудиторлик ташкилотини белгилаш, унинг хизматига тўланадиган ҳақ миқдори чегарасини белгилаш ва у билан шартнома тузиш (ёки бекор қилиш) ҳақида қарор қабул қилиш;

64.23. стратегик мақсадларни, Корпоратив бошқарув сиёсатини, банкнинг бошқа ички сиёсатларини, шу жумладан таваккалчиликларни аниқлаш, бошқариш, мониторинг қилиш ва улар тўғрисида хабардор этиш, капиталнинг етарлилигини лозим даражада сақлаб туриш сиёсатини тасдиқлаш ҳамда уларнинг амалга оширилиши устидан назорат қилиш;

64.24. активларни таснифлаш асосида активлар бўйича эҳтимолдаги зарарларга қарши яратиладиган захиралар шакллантирилиши устидан назорат қилиш, шунингдек банкнинг капитал ва умумий захираларининг етарли даражада сақлаб турилишини таъминлаш;

64.25. манфаатлар тўқнашувининг олдини олиш ва уни бартараф этиш тартибини тасдиқлаш;

64.26. банкнинг молиявий ҳолатини тиклаш режаларини тасдиқлаш;

64.27. Банкнинг бошқаруви устидан назоратни амалга ошириш;

64.28. банкнинг қабул қилинган бизнес-режаси бажарилиши устидан назорат қилиш, шунингдек ҳар чорақда банкнинг фаолияти натижалари тўғрисида Банк бошқарувининг ҳисоботини эшитиш;

64.29. банкнинг Ички аудит хизмати департаментларини фаолиятини ташкил этиш, шунингдек банк Ички аудит хизмати департаментларининг чорақлик ҳисоботлари асосида Банк бошқаруви томонидан банк стратегиялари ва сиёсатларига риоя этилишини баҳолашдан ўтказиш;

64.30. Банк бошқаруви аъзолари томонидан тақдим этилган ахборотни, таклифларни ва тушунтиришларни ўрганиш, муҳокама қилиш ҳамда улар бўйича баҳолашни;

64.31. банк фаолиятини бошқариш тизими самарадорлигини, шу жумладан Банк бошқаруви принциплари мониторингини ва уларни даврий баҳолашни амалга ошириш ҳамда аниқланган камчиликларни бартараф этиш учун тегишли чораларни кўриш;

64.32. бир йилда камида бир марта амалга оширилган назорат ва текширув фаолияти тўғрисида Акциядорларнинг умумий йиғилишига ҳисобот тақдим этиш;

64.33. йиллик молиявий ҳисоботларни дастлабки тасдиқлаш ҳамда бухгалтерия ҳисоби ва молиявий ҳисоботлар тизимининг яхлитлигини таъминлаш;

64.34. банкнинг узоқ муддатли молиявий манфаатларини ва Марказий банк томонидан капиталга нисбатан белгиланган талабларни ҳисобга олган ҳолда пруденциал талабларга риоя этилишини таъминлаш;

64.35. коррупцияни олдини олиш чораларини тасдиқлаш;

64.36. одоб-ахлоқ қоидаларини тасдиқлаш;

64.37. қонунчилик ҳужжатларда, Банкнинг ушбу Устави, Банк кузатув кенгаши тўғрисидаги Низом ва банкнинг бошқа ички ҳужжатлари билан Банк кузатув кенгаши ваколатларига кирувчи бошқа масалаларни ҳал қилиш. Банк кузатув кенгаши ваколатларига кирувчи масалаларни ҳал қилиш Банк бошқарувига топширилиши мумкин эмас, қонунчиликда назарда тутилган ҳоллар бундан мустасно.

65. Банкнинг кузатув кенгаши аъзолари 5 (беш) кишидан иборат таркибда сайланади. Бунда кузатув кенгаши аъзоларининг кўпчилиги банкка алоқадор шахслар бўлмаслиги керак, бундан уларнинг Кузатув кенгашидаги аъзолиги мустасно.

Банк кузатув кенгаши аъзолари Акциядорлар умумий йиғилиши томонидан чексиз қайта сайланиш ҳуқуқи билан 3 йил муддатга сайланадилар.

Кузатув кенгаши аъзолигига номзодлар ишчанлик обрўсига, банк хатарларини самарали бошқариш, ўз ваколатлари доирасида асосланган қарорларни қабул қилиш учун зарур бўлган тажриба, билим ва кўникмаларга эга бўлишлари лозим.

Банкнинг Кузатув кенгаши аъзолари банкнинг оқилона Корпоратив бошқарувига кўмаклашиши ҳамда ўз ваколатларини ва мажбуриятларини бажариш чоғида банкнинг, унинг омонатчилари ва акциядорларининг қонуний манфаатларини инобатга олиши, шунингдек Марказий банк билан самарали ҳамкорликни таъминлаши керак.

Кузатув кенгаш аъзоларидан ўз вазифаларини амалга оширишлари доирасида қуйидагилар талаб этилади:

фаолият юритаётган банк корпоратив бошқарувининг ташкилий тузилмасини, Кузатув кенгашнинг функцияларини билиши, корпоратив бошқарувдаги ўзининг ўрнини англаши, банк фаолиятига хос бўлган таваккалчиликлар ҳақида тасаввурга эга бўлиши, шунингдек, банк-молия соҳасидаги, таваккалчиликларни бошқариш ва корпоратив бошқарувни ташкил этиш борасидаги билим ва малакасини доимий равишда ошириб бориши;

банк фаолиятида фаол қатнашиши, унинг фаолиятидаги ва ташқи шароитлардаги муҳим ўзгаришларни кузатиб бориши, шунингдек, узоқ муддатли истиқболда банк манфаатларини ҳимоя қилишга қаратилган чораларни ўз вақтида кўриши;

банкнинг корпоратив маданияти ва кадриятлари шаклланишида етакчи ўринни тутиши;

кўриб чиқиладиган масалалар юзасидан Кузатув кенгашнинг бошқа аъзолари, бошқарув аъзолари ва банк ходимларининг қарашларидан қатъи назар ўзининг асосланган фикрини билдириши;

масъулиятни ҳис қилган ҳолда жавобгарликни ва жонқуярликни намоён қилиши ва соддиқлик билан хизмат қилиши, банк ва унинг барча акциядорлари манфаатларини кўзлаб, юклатилган вазифа ва мажбуриятларни виждонан ва оқилона амалга ошириши, ўзининг ёки айрим шахслар манфаатлари йўлида ўз ваколатларини суистеъмол қилмаслиги;

манфаатлар тўқнашувига олиб келувчи ҳаракатлардан қочиши, шунингдек, манфаатлар тўқнашуви юзага келганлиги ҳақида дарҳол Кузатув кенгашга хабар бериши ва уни бартараф этиш юзасидан чора кўриши;

Кузатув кенгаш ва унинг кўмиталари мажлисларида ўз ваколатларини учинчи шахсга ўтказмаган ҳолда иштирок этиши;

Кузатув кенгашга аъзолиги чоғида ўзига маълум бўлиб қолган тижорат, банк сирини ва қонун билан кўриқланадиган бошқа сирни ташкил этувчи маълумотларнинг махфийлигига риоя этиши.

Қуйидаги ҳолларда шахс Кузатув кенгаши аъзолигига сайланиши мумкин эмас ёки сайланган шахс Кузатув кенгаши аъзолиги ҳуқуқидан маҳрум этилади, агар:

шахс икки ёки ундан ортиқ банкнинг Кузатув кенгаши аъзоси бўлса ёки аъзо бўлиш

ниятида бўлса, бундан мазкур банклар бир банк гуруҳига тегишли бўлган ҳоллар мустасно;

шахснинг ваколатлари Марказий банк талабига кўра муддатидан илгари тугатилган бўлса.

Банк бошқаруви аъзолари ва Банк бошқаруви раиси, шунингдек, банкда, унинг шўъба ва қарам жамиятларида меҳнат шартномаси (контракт) бўйича ишлаётган шахслар, мазкур жамиятлар бошқарув органлари аъзолари Банк кузатув кенгаши аъзоси бўлиши мумкин эмас.

Кузатув кенгаши аъзосини суд банкка мулкӣ зарар етказганликда айбдор деб топган тақдирда, суд қарорига кўра уларнинг ваколатлари хўжалик жамиятларида раҳбарлик лавозимини эгаллаш тақиқланган ҳолда камида бир йил муддатга тугатилиши мумкин.

Банк кузатув кенгаши аъзоси қуйидагилар натижасида банкка етказилган зарар учун жавобгар бўлади:

чалғитувчи ахборот ёки била туриб ёлгон ахборот тақдим этганлик;

қонунчилик ҳужжатларида белгиланган ахборот тақдим этиш тартибини бузганлик;

банкка зарар етказилишига сабаб бўлган йирик битимларни ва (ёки) амалга оширилишидан манфаатдорлик мавжуд бўлган битимларни тузишни тақлиф этганлик, шу жумладан банк билан бундай битимлар тузилиши натижасида ўзлари ёки ўз аффилиланган ва алоқадор шахслари томонидан фойда (даромад) олиш мақсадида битимлар тузишни тақлиф этганлик.

66. Банк кузатув кенгаши аъзолари сайлови кумулятив овоз бериш орқали амалга оширилади.

Кумулятив овоз беришда ҳар бир акциядорга тегишли овозлар сони Банк кузатув кенгашига сайланиши лозим бўлган шахслар сонига кўпайтирилади ва акциядор шу тарика олинган овозларни битта номзодга тўлиқ беришга ёки уларни икки ва ундан ортик номзодлар ўртасида тақсимлашга ҳақли.

Энг кўп овоз тўплаган номзодлар Банк кузатув кенгашининг таркибига сайланган деб ҳисобланади.

67. Банк кузатув кенгашининг раиси Банк кузатув кенгаши аъзоларининг умумий сонига нисбатан кўпчилик овоз билан Банк кузатув кенгаш таркибидан Банк кузатув кенгаши аъзолари томонидан сайланади.

68. Банк кузатув кенгашининг раиси унинг ишини ташкил этади, Банк кузатув кенгаши мажлисларини чақиради ва уларда раислик қилади, мажлисларида баённома юритилишини ташкил этади ҳамда Акциядорларнинг умумий йиғилишида раислик қилади, банк номидан Бошқарув раисини ёллаш тўғрисидаги меҳнат шартномасини тузади.

Банк кузатув кенгашининг раиси бўлмаган тақдирда унинг вазифасини Банк кузатув кенгашининг аъзоларидан бири амалга оширади.

69. Банк Кузатув кенгашининг мажлиси банк Кузатув кенгашининг раиси томонидан ўз ташаббуси билан, камида бир фоиз оддий акцияларга эга бўлган акциядорларнинг, банк Кузатув кенгаши банк бошқаруви, ички аудит хизмати директори аъзоларининг илтимосига биноан чақирилади, банкнинг ташқи аудити талабларига мувофиқ.

70. Банк кузатув кенгашининг мажлисини ўтказиш учун кворум Банк кузатув кенгашига сайланган аъзоларнинг етмиш беш фоизидан кам бўлмаслиги керак.

Банк кузатув кенгаши аъзоларининг сони ушбу Уставда назарда тутилган миқдорнинг 80 фоизидан кам бўлган тақдирда, Банк кузатув кенгашининг янги таркибини сайлаш учун Акциядорларнинг навбатдан ташқари умумий йиғилишини чақириши шарт. Банк кузатув кенгашининг қолган аъзолари акциядорларнинг бундай навбатдан ташқари

умумий йиғилишини чақириш тўғрисида қарор қабул қилишга, шунингдек Банк бошқаруви раиснинг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

71. Банк кузатув кенгаши мажлисида қарорлар қуйидаги тартибда қабул қилинади: мазкур Уставнинг 64.13., 64.15.-кичик бандларида назарда тутилган масалалар бўйича Банк кузатув кенгаши барча аъзолари томонидан бир овоздан қабул қилиниши лозим;

бошқа масалалар бўйича Банк Кузатув кенгаши аъзолари оддий кўпчилик овоз билан қарор қабул қилади.

Агарда кўрсатилган масалалар юзасидан Банк кузатув кенгаши томонидан бир овоздан қарор қабул қилиш имкони бўлмаса, Банк кузатув кенгаши ушбу масалаларни банк Акциядорларининг умумий йиғилишига киритиши мумкин.

Банк кузатув кенгашининг бир аъзоси ўз овозини Банк кенгашининг бошқа аъзосига беришга йўл қўйилмайди.

72. Банк кузатув кенгашининг мажлисида баённома юритилади. у мажлис ўтказилганидан сўнг ўн кундан кечиктирмай тузилади.

Банк кузатув кенгаши мажлисининг баённомаси мажлисда иштирок этаётган Банк кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

Банк кузатув кенгашининг қарорлари сиртдан овоз бериш йўли билан (сўров йўли билан) Банк кузатув кенгашининг барча аъзолари томонидан бир овоздан қабул қилиниши мумкин.

Банк кузатув кенгаши мажлисининг баённомаси имзоланган куни Банк бошқарувига ижро этиш учун топширилади. Банк кузатув кенгаши Акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот Банк бошқарувига Банк кузатув кенгашининг мажлиси ўтказиладиган куни топширилади.

Кузатув кенгаши мажлисининг баённомасидан кўчирма банкнинг корпоратив маслаҳатчиси ва/ёки Банк кузатув кенгаши томонидан ваколатланган шахс томонидан расмийлаштирилади ва тасдиқланади.

## **БАНК БОШҚАРУВИ**

73. Банк бошқаруви қонунчилик ҳужжатлари, мазкур Устав, банкнинг ички ҳужжатлари асосида ҳаракат қилувчи банкнинг коллегиял ижро этувчи органи бўлиб, фаолият стратегияси ва уни бошқариш тизимига мувофиқ банкнинг фаолиятига оператив бошқарувни амалга оширади ҳамда банкнинг фаолияти учун жавобгарликни тўлиқ зиммасига олади.

Банк бошқаруви қонунчилик ҳужжатлари, ушбу Устав ва банк ички ҳужжатлари билан Акциядорларнинг умумий йиғилиши ёки Банк кузатув кенгаши ваколатларига қирувчи масалалар бўйича қарорлар қабул қилиш ҳуқуқига эга эмас.

Банк бошқаруви Банк кузатув кенгаши ва Акциядорлар умумий йиғилиши олдида ҳисобдордир.

Банк бошқарув аъзолари Банк Акциядорлар умумий йиғилиши томонидан уч йил муддатга тайинланадилар ва ҳар йили шартноманинг амал қилиш муддатини узайтириш ёки уни бекор қилиш мумкинлиги тўғрисида қарор қабул қилинади. Банк бошқаруви аъзоларини тайинлаш хорижий менежерлар ҳам иштирок этиши мумкин бўлган танлов асосида амалга оширилиши мумкин.

Банк бошқаруви аъзолари ишчанлик обрўсига, банк хатарларини самарали бошқариш, ўз ваколатлари доирасида асосланган қарорларни қабул қилиш учун зарур бўлган тажриба, билим ва кўникмаларга эга бўлишлари лозим.

Банк бошқаруви аъзолари банк манфаатлари йўлида виждонан ва оқилона ҳаракат қилишга мажбур бўлиб, улар қуйидаги фидуциар мажбуриятларга риоя этишлари лозим: қонунчилик ҳужжатлари, банк устави ҳамда Акциядорлари умумий йиғилиши ҳамда Кузатув кенгаши томонидан қабул қилинган стратегия ва сиёсатларни амалга оширишга доир қарорларга риоя этган ҳолда мажбуриятларини ўз ваколатлари доирасида бажариш;

ўзларининг вазифа ва функцияларини амалга ошириши учун ўз ваколатлари доирасида фаолият юритиш;

зарур ва ошқора маълумотни белгиланган муддатларда олиш, улар билан боғлиқ тегишли чора-тадбирларни кўриш ҳамда шахсий малака ва тажрибага таянган ҳолда қарорлар қабул қилиш;

манфаатлар тўқнашувини келтириб чиқармасликка оид талабларга риоя этиш;

банк бошқаруви органлари, шу жумладан, Акциядорлар умумий йиғилиши ва Кузатув кенгашига нисбатан тенглик тамойилига риоя этиш;

бенуксон ишчанлик обрўсига эга бўлиш.

Банк бошқаруви аъзоси суд банкка мулкый зарар етказганликда айбдор деб топган тақдирда, суд қарорига кўра уларнинг ваколатлари хўжалик жамиятларида раҳбарлик лавозимини эгаллаш тақиқланган ҳолда камида бир йил муддатга тугатилиши мумкин.

Банк бошқаруви аъзоси қуйидагилар натижасида банкка етказилган зарар учун жавобгар бўлади:

чалғитувчи ахборот ёки била туриб ёлғон ахборот тақдим этганлик;

қонунчилик ҳужжатларида белгиланган ахборот тақдим этиш тартибини бузганлик;

банкка зарар етказилишига сабаб бўлган йирик битимларни ва (ёки) амалга оширилишидан манфаатдорлик мавжуд бўлган битимларни тузишни таклиф этганлик, шу жумладан банк билан бундай битимлар тузилиши натижасида ўзлари ёки ўз аффилиланган ва алоқадор шахслари томонидан фойда (даромад) олиш мақсадида битимлар тузишни таклиф этганлик.

Агар Банк бошқаруви томонидан йирик битим ёки аффилиланган шахслар билан битим тузиш тартиби бузилганлиги натижасида Банкга зарар етказилган бўлса ва бунда Банк Раиси ёки бошқарув аъзоларининг айби қонунчиликда белгиланган тартибда исботланса, Банкнинг кредиторлар олдидаги қарздорлигини қоплаш учун унинг мол-мулки етарли бўлмаган тақдирда Банкнинг мажбуриятлари бўйича субсидиар жавобгар бўлади.

74. Банк бошқаруви 3 кишидан иборат бўлиши керак. Банк бошқаруви таркибига Бошқарув раиси, унинг ўринбосари ва бош бухгалтер киради. Банк бошқаруви таркибига шунингдек, Банк кузатув кенгашининг қарорига асосан банкнинг ҳуқуқий хизмат департаменти директори ва банкнинг асосий бўлинмалари раҳбарлари кириши мумкин.

75. Банк бошқаруви раиси ўз лавозимига Банк кузатув кенгашининг қарори билан тайинланади.

Бошқарув раиси ва Бошқарув аъзолари билан шартнома банк номидан Банк кузатув кенгаши раиси ёки Банк кузатув кенгаши ваколат берган шахс томонидан узайтириш ёки уни бекор қилиш мумкинлиги тўғрисида қарор қабул қилиш шартли билан уч йил муддатга имзоланади.

Банк бошқаруви раиси билан имзоланадиган шартномада банк фаолиятининг самарадорлигини ошириш ва банк Акциядорлари умумий йиғилиши ва Кузатув кенгаши олдида доимий ҳисоботларни тақдим қилиш мажбурияти кўрсатилиши керак.

76. Банк Бошқарувининг ваколатига банкнинг жорий фаолиятига кундалик раҳбарлик қилишнинг барча масалалари киради, Ўзбекистон Республикаси қонунчилиги, ушбу Устав ва банкнинг бошқа ички ҳужжатлари билан Акциядорлар умумий йиғилиши ёки банк Кузатув кенгашининг ваколатларига киритилган масалалар бундан мустасно

Банк бошқарувининг ваколатларига қуйидагилар киради:

банкнинг жорий фаолиятини ташкил этиш, мувофиқлаштириш ва бошқариш;

Акциядорлар умумий йиғилишининг ва Банк кузатув кенгашининг қарорларининг бажарилишини ташкил этади;

банк акциядорларининг умумий йиғилиши ва Кузатув кенгаши томонидан кўриб чиқиши керак бўлган барча масалаларни олдиндан кўриб чиқиш;

Акциядорлар умумий йиғилиши ва Банк кузатув кенгаши, Банк бошқаруви раиси ваколатига кирадиган ички ҳужжатлардан ташқари, банкнинг бошқа ички ҳужжатларини ва сиёсатини ишлаб чиқиш ва тасдиқлаш;

кўмиталар, комиссиялар ва бошқа ишчи гуруҳларни тузиш, уларнинг банк фаолиятини таъминлаш учун зарур бўлган ваколатларини белгилаш;

банк филиаллари тўғрисидаги низомни ишлаб чиқиш ва уларни Кузатув кенгашига тасдиқлаш учун тақдим этиш;

хар чоракда банкнинг ички аудит хизмати томонидан ўтказилган аудиторлик текшируви натижасида аниқланган камчиликлар ва қонун бузилиши ҳолатларини кўриб чиқиш ва уларни бартараф этиш чораларини кўриш;

банкнинг қабул қилинган йиллик бизнес-режасини бажариш ва амалга оширилган ишлар тўғрисида банк акциядорларининг умумий йиғилиши ва Кузатув кенгашига ҳисобот бериш;

кадрларни танлаш, тайёрлаш ва улардан фойдаланиш билан боғлиқ масалаларни ҳал қилиш;

банкнинг филиаллари, банк хизматлари идоралари ва бошқа алоҳида бўлинмалари раҳбарларини тайинлаш;

Кузатув кенгаши қарори билан белгиланган харажат доирасида мол-мулкни сотиб олиш, бегоналаштириш ёки ҳисобдан чиқариш бўйича битимлар тузиш тўғрисида қарорлар қабул қилиш.

қонунчилик ҳужжатларида белгиланган тартибда аффилиланган шахс билан тузилган битимларни ўрганиш.

77. Банк бошқарувининг мажлиси, агар унда банк бошқаруви аъзоларининг камида 50 фоизи иштирок этган бўлса, ваколатли ҳисобланади.

Қарорлар банк бошқаруви мажлисида қатнашганларнинг кўпчилик овози билан қабул қилинади. Овозлар тенг бўлган тақдирда банк бошқаруви раисининг овози ҳал қилувчи овоз ҳисобланади.

Банк бошқарувининг аъзоси, агар у банк бошқарувининг қарорига рози бўлмаса, ўз фикрини банк Кузатув кенгашига билдириши мумкин.

78. Банк бошқаруви мажлисида баённома юритилади. Банк Бошқаруви мажлисининг баённомалари банк Кузатув кенгаши аъзоларига уларнинг илтимосига кўра тақдим этилади.

Банк Бошқаруви Раиси банк номидан барча ҳужжатларни ва банк Бошқаруви мажлиси баённомаларини имзолайди, банк Бошқаруви мажлисини ташкил этади, ўз ваколатлари доирасида банк бошқаруви томонидан қабул қилинган қарорлар, ушбу Устав ва банкнинг бошқа ички ҳужжатларига мувофиқ банк номидан ишончномасиз иш олиб боради.

Банкнинг аффилиланган шахси билан тузилган битим амалдаги қонунчилик ҳужжатларида белгиланган тартибда банк бошқаруви ва Ички аудит хизмати томонидан ўрганилади.

Аффилиланган шахслар билан тузилган битимлар тўғрисидаги маълумотлар, шу жумладан уларнинг ёзма хабарлари ва битимлар бўйича қабул қилинган қарорларнинг тўлиқ таҳрири, қарор қабул қилган шахслар тўғрисидаги маълумотлар, аффилиланган шахслар билан битимлар тузишда манфаатлар тўқнашуви тўғрисидаги маълумотлар



банкнинг йиллик ҳисоботнинг бир бўлаги ҳисобланади.

79. Агар банк акциядорларининг умумий йиғилиши банк бошқаруви раисининг ваколатларини тугатиш тўғрисида қарор қабул қилган тақдирда, банк бошқаруви раисини тайинлаш (сайлаш) тўғрисидаги масала худди шу мажлисда ҳал қилиниши мумкин.

80. Банк Бошқаруви Раисининг ваколатларини тугатиш тўғрисида қарор қабул қилган Акциядорларнинг умумий йиғилиши Банк Бошқаруви Раисининг вазифасини вақтинча бажарувчи шахсни тайинлаш тўғрисида қарор қабул қилиши, шу жумладан, чет эллик менежерлар ҳам иштирок этиши мумкин бўлган банк бошқаруви раиси лавозимига номзодни танлаш бўйича танлов ўтказиш тўғрисида қарор қабул қилиши мумкин.

81. Банк бошқаруви раиси:

акциядорлар умумий йиғилиши, Банк Кузатув кенгаши ва Банк Бошқаруви қарорларининг бажарилишини таъминлайди;

ишончномасиз банк номидан иш юритади, шартномалар тузади, бошқа ташкилотлар ва давлат органлари билан муносабатларда банк манфаатларини ифодалайди;

ўз ваколатлари доирасида битимлар ва турли ҳаракатлар учун ишончномалар беради;

ушбу Устав, банк акциядорларининг умумий йиғилиши ва Кузатув кенгаши қарорлари, банкнинг бошқа ички ҳужжатлари ва қонунчилик ҳужжатларида белгиланган чегаралар доирасида мол-мулк ва маблағларни бошқаради;

банкнинг ички ҳужжатларини тасдиқлайди, акциядорларнинг умумий йиғилиши, банк Кузатув кенгаши ва Банк Бошқаруви томонидан тасдиқланадиган ички ҳужжатлар бундан мустасно;

штат таркибини белгилайди, банк, унинг филиаллари, ваколатхоналари, банк хизмати идоралари ва бошқа алоҳида бўлинмалари ходимларини ишга жойлаштиради, улар билан меҳнат шартномаларини тузади ва бекор қилади, меҳнат ва ижро интизомига риоя этилишини таъминлайди;

банкнинг филиаллари, ваколатхоналари, банк хизмати идоралари ва бошқа алоҳида бўлинмалари раҳбарлари билан меҳнат шартномаларини тузади ва бекор қилади;

банк ходимларини қонунчилик ҳужжатларида, ушбу Уставда ва банкнинг бошқа ички ҳужжатларида белгиланган тартибда рағбатлантиради, шунингдек уларни интизомий ва моддий жавобгарликка тортади;

банк номидан вакиллик, валюта ҳисобварақлари, жорий ҳисобварақлар ва бошқа банк ҳисобварақларини очади;

қонунчилик ҳужжатлари талабларига мувофиқ бухгалтерия ҳисоби ва ҳисоботини ташкил этади;

банкнинг барча ходимлари бажариши мажбурий бўлган буйруқ ва кўрсатмалар чиқаради, кўрсатмалар беради;

банк акциядорларининг умумий йиғилиши ва Кузатув кенгаши фаолиятини ташкилий ва техник жиҳатдан таъминлайди;

банк таркибий бўлинмаларининг самарали ўзаро ҳамкорлигини таъминлайди;

банкнинг ривожланиш дастурлари ва бизнес-режаларини ишлаб чиқишга раҳбарлик қилади, уларнинг бажарилишини назорат қилади;

банк фаолиятида қонунчиликка риоя этилишини таъминлайди;

Банк Кузатув кенгаши ва аудиторининг талабига биноан банкнинг молия-хўжалик фаолияти тўғрисидаги ҳужжатларни тақдим этади;

акциядорларнинг дивидендларни ҳисоблаш ва тўлаш бўйича барча ҳуқуқларига риоя этилишини таъминлайди;

банкнинг стратегик мақсадлари, бизнес-режаси ва корпоратив бошқарув сиёсатининг амалга оширилишини таъминлайди;

ташкилий тузилманинг барча даражаларида банк Кузатув кенгаши томонидан

тасдиқланган сиёсатлар, буйруқлар ва лавозим йўриқномаларига риоя этилиши устидан самарали назорат тизимини яратиш ва ушбу тизим самарадорлигини даврий текширишни таъминлайди;

бошқарув қарорларини қабул қилиш учун муҳим маълумотларни тўғри тайёрлаш ва ўз вақтида тақдим этилишини таъминлайдиган ишончли ахборот тизимларини яратишни таъминлайди;

молиявий ва бошқа фаолиятнинг ҳақиқий натижаларини акс эттирувчи, банк бизнес-режаси ва стратегияси кўрсаткичлари бажарилишини баҳолаш имконини берувчи ҳисоботларни банк Бошқарувига ўз вақтида тақдим этилишини таъминлайди;

банкнинг молиявий аҳволи ёмонлашгани ёки бундай вазият юзага келиши хавфи, шунингдек бизнес-режа, стратегик мақсадлар, рискларни бошқариш стратегияси ва таваккалчилик иштахаси ўзгарганлиги, бузилиш ҳолатлари, хавф ва пруденсиал талаблар чегаралари, ички назорат тизимидаги хатолар, ҳуқуқий хатолар ёки тартибга солиш муаммолари тўғрисидаги маълумотларни банк Кузатув кенгашига зудлик билан етказилишини таъминлайди;

Банк бошқарувининг тегишли ва очик ташкилий тузилмасини, шунингдек, ўз ваколатлари доирасида Банк ходимлари ўртасида ваколат ва мажбуриятларнинг тақсимланишини таъминлайди;

банк ходимларининг фаолияти устидан назоратни таъминлайди;

масъул ходимларни ишга қабул қилиш ва ишдан бўшатиш, уларни ўзгартириш (ротация қилиш) ва хизматда юқори лавозимга кўтарилиш, ўқитиш, малакали ходимларни ушлаб туриш даражасини ошириш тартибини ишлаб чиқишни таъминлайди, шунингдек, хизмат вазифалари ва одоб-ахлоқ қоидалари бузилган ҳолларда уларга нисбатан чоралар кўради;

қонунчилик ҳужжатларига, ушбу Уставга ва банкнинг бошқа ички ҳужжатларига мувофиқ банк фаолиятининг бошқа кундалик масалаларини ҳал қилади.

## **VIII. БАНК ҲИСОБИ ВА ҲИСОБОТИ**

82. Банк қонунчилик ҳужжатларда белгиланган тартибда бухгалтерия ҳисобини юритиши ва молиявий/назорат ҳисоботини тақдим этиши шарт.

Банк молиявий ҳисоботларнинг халқаро стандартларини қўллаши мумкин.

Банкларда бухгалтерия ҳисоби қуйидагиларни таъминлаши керак:

бошқарувга, молияга, солиққа ва назоратга оид ҳисоботнинг ҳамда бошқа ҳисоботларнинг ишончилигини, уларда банкнинг ҳақиқий молиявий ҳолати ва фаолияти натижалари акс эттирилишини;

банк активларини ва юзага келувчи таваккалчиликларни бошқариш хавфсизлигини;

Банк акциядорлари ва Кузатув кенгаши томонидан банкнинг молиявий аҳволини ва унинг мансабдор шахсларининг ишини назорат қилиш имкониятини таъминлаши.

Банк Марказий банкнинг талабига кўра консолидациялашган, даврий, шунингдек бир марталик ҳисоботларни тақдим этади.

Банк Марказий банкка тақдим этиладиган ҳисоботларнинг ва бошқа маълумотларнинг яхлитлиги ҳамда ишончилиги учун жавобгардир.

Банклар қонунчилик ҳужжатларига мувофиқ бошқа турдаги ҳисоботларни ҳам тақдим этади.

83. Банкда бухгалтерия ҳисобининг ташкил этилиши, ҳолати ва ишончилиги, тегишли органларга ҳар йилги ҳисобот ва бошқа молиявий/назорат ҳисоботлар, шунингдек банкнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган банк фаолияти тўғрисидаги маълумотлар ўз вақтида тақдим этилиши учун жавобгарлик амалдаги қонунчилик

хужжатларига мувофиқ Банк бошқарувининг зиммасида бўлади.

84. Банкнинг молиявий ҳисоботида кўрсатилган ва Акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончилиги мулкӣ манфаатлари банк ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши ва қонунчиликнинг бошқа талабларига жавоб бериши керак. (кейинги матнларда – мустақил аудиторлик ташкилоти).

85. Банкнинг йиллик ҳисоботи қонунчилик ҳужжатларда белгиланган муддатдан кечиктирмай Банк қузатув кенгаши томонидан дастлабки тарзда тасдиқланади. Банк йиллик молиявий ҳисоботни у Халқаро аудит стандартларига мувофиқ ташқи аудитдан ўтказилганидан кейин, қонунчиликда белгиланган муддатларда эълон қилиши шарт.

86. Банкнинг молиявий йил 1 январда бошланади ва 31 декабрда тугайди.

## **IX. БАНКНИНГ ФАОЛИЯТИНИ НАЗОРАТ ҚИЛИШ**

87. Банкнинг ички аудит хизмати Банк бошқаруви, филиаллари, ваколатхоналари, банк хизматилари офиси ва бошқа алоҳида бўлинмалари томонидан қонунчилик ҳужжатларига, банк уставига ва банкнинг бошқа ички ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда ақс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек, банкни бошқариш юзасидан қонунчилик ҳужжатларида белгиланган талабларга риоя этилишини текшириш ҳамда мониторинг олиб бориш орқали Банк бошқаруви, филиаллари, ваколатхоналари, банк хизматилари офиси ва бошқа алоҳида бўлинмалари ишини назорат қилади ҳамда баҳолайди, банкда молия-хўжалик фаолияти самарадорлигини ичига олган ҳолда ички назорат ҳолатини текширади (аудит) ва мониторинг қилади, шунингдек, Банк қузатув кенгашига банк операцияларининг самарадорлигини ва ишончилигини ошириш бўйича маслаҳатлар беради.

88. Ички аудит департаменти Банк қузатув кенгаши ва унинг Аудиторлик кўмитаси олдида ҳисобдордир.

89. Банк аудити ҳар йили банкларда аудиторлик текширувини ўтказиш ҳуқуқини берувчи Марказий банкнинг малака сертификатига эга бўлган, камида иккита аудиторга (шу жумладан аудиторлик ташкилоти раҳбарига) эга бўлган мустақил аудиторлик ташкилотлари томонидан амалга оширилади.

Аудиторлик ташкилоти банк билан тузилган шартномага мувофиқ қонунчилик ҳужжатларида белгиланган тартибда банкнинг молия-хўжалик фаолиятини текширилишини амалга оширади ва унга аудиторлик ҳулосасини тақдим этади.

90. Мустақил аудиторлик ташкилоти банкнинг молиявий ҳисоботи ва молиявий бошқа ахборотлар ҳақида нотўғри ҳулосани ўз ичига олган аудиторлик ҳулосаси тузганлик оқибатида етказилган зарар учун банк олдида жавобгар бўлади.

91. Банк корпоратив маслаҳатчиси банк томонидан корпоратив қонунчилик ҳужжатларига риоя этилиши устидан назорат қилиш вазифасини бажаради. Банк корпоратив маслаҳатчисининг фаолияти Банк қузатув кенгаши томонидан тасдиқланган низом асосида амалга оширилади. Банк корпоратив маслаҳатчиси Банк қузатув кенгаши олдида ҳисобдордир.

## **X. БАНКНИ ҚАЙТА ТАШКИЛ ҚИЛИШ ВА ТУГАТИШ**

92. Банкни қайта ташкил қилиш амалдаги қонунчилик ҳужжатларига мувофиқ

Акциядорларнинг умумий йиғилиши қарорига асосан, Марказий банк рухсати билан амалга оширилади.

Банкни қайта ташкил қилиш қўшиб юбориш, қўшиб олиш, бўлиш, ажратиб чиқариш ва ўзгартириш шаклларида амалга оширилиши мумкин.

Қайта ташкил қилишда мазкур Уставга тегишли ўзгартиришлар киритилади.

93. Банк ўз фаолиятини қуйидаги ҳолларда тугатади:

Акциядорлар умумий йиғилишининг қарори бўлганда;


Марказий банк томонидан лицензия чакириб олинганда;

банкрот деб эълон қилинганда;

Амалдаги қонунчиликда назарда тутилган бошқа ҳолларда.

Устав ўзбек ва рус тилларида тайёрланган. Устав ўзбек ва рус тилларидаги матнлари ўртасида тавофутлар юзага келган тақдирда, ўзбек тилидаги матни устунликга эга бўлади.

"Евроосиё банки" акциядорлик жамияти Кузатув кенгаши раиси

  
Сатиева Ляззат Адилевна

Принтга промуеровано на

**Тилган ва рағамланган**

листак

№1.А.

*(yigirma sakkiz)*  
2024-yil  
Kamagdan iborat

Chancellery  
Imzo



*(Handwritten signature in blue ink)*

